



3772.

K. 465.



N. 2907

43.

5

DISSE<sup>T</sup>RAT<sup>O</sup> P<sup>R</sup>I<sup>O</sup>R  
*De*  
ROTIS DENTATIS,  
*Quam*  
PRO LOCO  
*in Facultate Philosophica*,  
*obtinendo,*  
gratioso ipsius Indultu,  
d. XX. Octob. Anni M. D C C III.  
horis ante- & pomeridianis  
*publice ventilandam proponit*  
M. CHRISTIANUS WOLFIUS,  
Vratislaviensis.

---


L I P S I A E,  
Literis CHRISTIANI GOEZI.


















## PRÆLOQUIUM.

Lectori benevolo Salutem.

**R**ecet omnia CL. Weigelius in Pref. Philosophie M.<sup>at</sup>ematica premissa: *Ipsa salus hæc terrena Matheſi est superflua.* Quemadmodum vero hominis essentia ex Mente & Corporo organico componitur; ita quoque alia erit salus Mentis, alia Corporis. Salus Mentis in perfectione Facultatum ipsius, Intellectus scilicet puri, Imaginationis & Voluntatis consistit: Salus contra Corporis requirit, ut non solum vivamus, sed & ut commode vivamus. Equis dubitaverit, mentem humanam insigniter perfici per Matheſin? *Ipsa enim est, quæ judicium acuit, imaginationem extendit, mentem ad detegendas veritates incognitas disponit, & ad veritates cognitas aliis ordine, distincte ac perspicue proponendas aptam reddit, voluntatem denique ad virtutes colendas, vitia fugienda suaviter flectit.* Miraris forte hæc de Matheſi præcon'a? utinam nobis licet esse prolixioribus, nil sane facilius foret quam dictis fidem facere abundantem. Illustris certe *Autor Medicinae Mentis part. 2. sct. 1. p. 43. & 44.* sufficenter ostendit, verum a falso, probabile a minus probabili discreturo intellectus puri conceptus ab imaginationis perceptionibus distingvendos esse. Cum itaque, quicquid in Matheſi exponitur, vel ad hoc, quod potest concipi, vel ad hoc, quod nequit concipi, redigatur; quin in Matheſi multum versatus istum discernendi habitum sibi acquirat, non est, qui jure dubitet. Divina porro Matheſis a meditationibus levissimis ad abstrusissimas sensim sensimque suos dœducit cultores, ut profundissimis meditationibus

nibus sine tædio indulgere valeant. Et quoniam Arithmeticā, Trigonometriā & Algebra sunt methodi veritatem quæsitam in suo genere infallibiliter detegendi; evidens est, quod regulas ipsis proprias ad universalēs revocans, methodum universalem inveniendi veritatem efficeret, ut *DNN. des Cartes*, *de Tschirnhausen*, *Malebranche* & *Weigelii* præstantissima in hoc genere scripta luculenter testantur. De ordine veritatem proponendi Mathematicis consueto non est, quod disseram, tum quia ex ipsa dissertatione nostra elucet, tum quia ejus præstantia non habet osorem, nisi minime gnarum talium. Postquam vero evimus, quod Mathesis insigniter acuat judicium; in aprico etiam possum esse censeo, quod ipsius cultores genuinum rei cuiusque, sive bonorum, valorem investigare valeant, quod a sensibus abducantur ad conceptus magis intellectus, quam perceptiones imaginationis attendentes, adeoque imperium in sensus, imaginationis atque affectus feliciter tandem obtinentes. Longe plura reconseri deberent, nisi praloquii limites excederet prolixitas. Agedum itaque paucas saltem adhuc ducamus lineas de salute Corporis Mathesi superstructa. Hanc cum vel imperitus advertat ruricola, tria sufficere poterunt verba. Loquatur rursus pro me *Weigelius*, cuius sententiam calculo suo nuper admodum approbat *Gobertus* in discursu de studiis Mathematici utilitate & necessitate indispensabili Tractatui Gallico de viribus motricibus præmisso. *Præsentis*, inquit, seculi felicitatem adeo alligavit Deus Artibus Mathematicis, ut eam solum Remp. florere & bonis omnibus abundare faciat, in qua major est artium hunc in finem ab ipso nobis concessarum cultura: id quod omnium seculorum & omnium Remp. historia reddit manifestissimum. Imprimis hic sese nobis commendat Mechanica, cuius feracissimis inventionibus non agricultura solum, sed & opifcia omnia, mercatura denique ipsa suam debent originem, sua debent incrementa & fulcimenta. Quoniam vero nulla machinarum simplicium usum admittit ampliorem, quam Rotæ dentatae; non inutilem operam nos præstissemus, dum earum theoriam & praxin paulo copiosius & distinctius, quam Autores reliqui, explicavimus: de usu harum infinito potiora alio forte, si Deus voluerit, tempore delibaturi. Vale interea, Lector benevolē, & conatibus nostris tenuibus fave.

DEFI-

## DEFINITIONES.

1. **P**er Rotam dentatam intelligo Rotam axe fixo dentibusque instructam atque una cum axe circa hujus centrum mobilem.

2. *Centrum gravitatis* est punctum corporis, ex quo si suspenderit, omnes ejus partes quaqua versum æquiponderant.

3. *Centrum magnitudinis* est punctum corporis, per quod si dividetur planum, illud in duas partes ejusdem prorsus molis dividitur.

4. *Centrum motus* est punctum Machinæ, circa quod ea moveri, & in quo motus ipsius fieri potest.

## COROLLARIUM.

In rotis dentatis centrum motus concidit cum centro Axis & rotæ, *per def.*

5. *Lineam directionis* appello, juxta quam corpus grave deorsum tendit.

6. Per *Potentiam* intelligo vires, quæ corpus grave mouere aut suspendere valent.

7. *Distantia* est mihi linea recta ex centro motus in lineam directionis ponderis & potentie perpendicularis.

8. *Spatium Potentie* voco, per quod Potentia machinæ applicata movetur.

9. *Spatium Ponderis* dico, per quod Pondus operi machinæ trahitur.

## AXIOMATA.

1. In corporibus homogeneis centrum gravitatis idem est cum centro magnitudinis.

## COROLLARIUM.

Si igitur corpus homogeneum ex centro magnitudinis suspenderit, partes ipsius utique æquiponderant, adeoque corpus ipsum situm obtinet Horizonti parallelum, aut ad Horizontem perpendiculariter.

## SCHOLION.

*Veritas Axiomatis manifesta est, modo cogitemus, corpus homogeneum vocari, cuius partes sub æquali mole pondus æquale possident.*

2. Si loco Potentie applicatur pondus isti æquale, lineaque directionis manet invariata, effectus quoque manet invariatus.

## SCHOLION.

Axioma hoc nulla difficultate laborat: Quantitatem enim Potentie ex quantitate ponderis, quod suspendit, estimamus: seu, ut accuratus loquar, gravitatis sue communem mensuram agnoscent Potentia atque Pondus.

3. Si Potentia quæ pondus suspendit, quacunque virium accessione augetur, idem movebit, saltem ei movendo par erit.

4. Pondus tanto spatio attollitur, quantum funis Axi, quo trahitur, circumvolvitur.

## COROLLARIUM.

Ergo Axe semel circumvoluto, spatiū, quod pondus emensum est, æquatur peripheria axis.

5. Peripheria rotæ, cui applicatur Potentia, æquatur spatio, quod ipsa decurrit, dum ista semel circumvolvitur.

## SUPPOSITIONES.

1. Mutata corporis gravis figura, ut tamen moli nec decadat, nec accedat quicquam, gravitas ipsius manet invariata.

2. Duo plurave corpora, quacunque ratione inter se juncta, commune nanciscuntur centrum gravitatis.

## COROLLARIUM.

Recte igitur quoad gravitationem pro uno corpore habentur.

## SCHOLION.

Has duas propositiones inter axiomata referre religioni nobis fuit, cum axiomatum naturam minime habeant. Vocavimus itaque suppositiones, quia eas aliunde notas facile supponere possumus. Ipsarum sane veritatem confirmat experientia.

## PROPOSITIONES DEMONSTRATIVÆ.

### PROPOSITIO I. LEMMA I.

Si nomina datarum rationum in se ducuntur, unitas est ad productum in ratione composita earundem.

DE-

## DEMONSTRATIO.

Sint rationes datae  $a$ ,  $ea$ ,  $b$ .  $ib$ ,  $c$ .  $oc$ ,  $d$ .  $ud$  &c. Multiplicantur per se earum nomina  $e$ ,  $i$ ,  $o$ ,  $u$ , ut prodeat factum  $eiou$ . Ex ipsis itur terminis manifestum est esse ad  $eiou$  in ratione composita  $a$ .  $ea$ ,  $b$ .  $ib$ ,  $c$ .  $oc$ ,  $d$ .  $ud$ , per def. 5. Elem. VII. q.e.d.

## PROPOSITIO II. LEMMA 2.

Si Potentia aliqua alteri vectis extremo ita applicatur, ut linea directionis constituat cum recte angulum rectum, habet vero ad pondus rationem reciprocam distantiarum, pondus suspendit. Vide Fig. I.

Sit vectis  $AB$ , centrum motus  $C$ , linea directionis ponderis  $AB$ , linea vero directionis Potentiae in  $B$  applicata  $BE$ . Habeat Potentia ad pondus  $B$  rationem reciprocam ipsius  $AC$  ad  $BC$ , quae sunt distantiae ponderis atque potentiae, per def. 7. Sit v. gr.  $AC = 1$ ,  $BC = 4$  & pondus  $8 \frac{1}{2}$ , Potentia  $2 \frac{1}{2}$ . Dico, Potentiam suspendere Pondus  $D$ .

## PRÆPARATIO.

Produc brachium  $BC$  in  $K$ , ut sit  $BK = AC$ , &  $AC$  in  $L$ , donec  $AL = BC$ , adeoque  $CL = CK$ .

## DEMONSTRATIO.

Quod si jam concipiamus loco Potentiae in  $B$  applicatae appetendi pondus  $E$  ipsi æquale, & utrumque pondus  $D$  &  $E$  mutari, istud in cylindrum  $GH$ , hoc in cylindrum  $GI$ , ita ut uterque ejusdem sit spissitudinis, unum vero pondo adæquet longitudinem distantiae  $AC$ ; evidens erit, effectum non mutari, per ax. 2. & 1, ac longitudinem cylindri  $GH$  duplam esse distantiae  $CB$ , per in. 9. ut adeo  $GH = L$  &  $GI = K$ . Cum igitur duo cylindri  $GH$  &  $GI$  propino habeantur, per coroll. supp. 2. & homogenei sint, per hypothes. centrum gravitatis cum centro magnitudinis idem erit, per ax. 1. Jam vero quoniam  $HI = KL$ , per jam demonstrata,  $KC = CL$ , per prop. & punctum  $C$  verticaliter imminet puncto  $F$ , per hypothes. erit quoque  $HF = FI$ , adeoque  $F$  centrum magnitudinis, per def. 3,

CON-

consequenter centrum gravitatis, per jam demonstr. Cum itaque duo hæc pondera ex centro gravitatis F vel C suspendantur, æquiponderant, b. e. si ponderi E rursus substituitur potentia, hæc pondus D suspendit. q. e. d.

### COROLLARIA.

1. Si distantia ponderis æquatur distantia Potentiarum, Pondus & Potentia inter se æquantur.

2. Quoniam in vecte incurvato distantia sunt rectæ AC & CD, per def. 7. pondus in A habebit se ad Potentiam in B, ut CD ad AC, adeoque effectus manet immutatus, in quounque demum linea directionis punto Potentia applicetur. Vide Fig. 2.

### PROPOSITIO III. THEOREMA I.

Si potentia ope rotæ dentata pondus suspendit, ita ut linea directionis sit tangens peripheria rotæ, erit ea ad pondus ut radius axis ad radium rotæ. Vide Fig. 3.

#### EXPOSITUS.

Sit rotæ dentata IBB, pondus E, ejus linea directionis EF. Potentia applicetur in B, ita ut linea directionis BD sit tangens peripheria rotæ; dico, eam esse ad pondus ut FC ad CB.

### DEMONSTRATIO.

Quodsi partes machinae superfluæ remoyeantur, remanet saltem linea FB, quæ vectem exhibet, cuius centrum motus in C, per coroll. def. 4. Erit itaque potentia in B applicata ad pondus E, ut FC ad BC, per prop. prec. q. e. d.

### COROLLARIA.

1. Cum peripheria sint inter se, uti diametri circulorum; erit quoque Potentia ad pondus, ut peripheria axis ad peripheriam rotæ.

2. Quo majorem radius rotæ ad radium axis habet rationem, eo major Potentia est efficacia.

### PROPOSITIO III. THEOREMA 2.

Si Potentia ope alicujus Rotæ dentata suspendit pondus, ita ut linea directionis secet peripheriam rotæ, erit ad pondus

*ut radius axis ad partem radii rotae inter centrum motus & lineam directionis Potentiae interceptam.*

*ΕΝΘΕΤΙΣ.*

Sit denuo rota dentata J.b.B, pondus E, ejus linea directionis EF. Sed Potentia applicetur in b, ita ut linea directionis bd fecet peripheriam rotæ; dico, Potentiam esse ad pondus E ut FC ad CG.

**DEMONSTRATIO.**

Tolle enim partes superflues, & remanebit vectis incurvatus FCB, cuius centrum motus in C, per coroll. def. 4. Erit adeo Potentia in b applicata ad pondus E ut FC ad CG, per coroll. 2. prop. 2. Q. e. d.

**COROLLARIA.**

1. Si Potentia in I applicatur, estque directionis linea IK, erit ea ad pondus E ut FC ad CL, adeoque pondere major.

2. Quo minorem itaque linea directionis Potentiae cum radio rotæ angulum facit; eo minor est Potentiae efficacia.

3. Quoniam vero linea directionis Potentiae cum radio rotæ majorem recto facere nequit; sequitur, quod in hoc casu maxima sit ipsius efficacia.

4. Quodsi fune axi circumvolvendo levatur pondus, evidens est, quod, quo altius attollitur pondus, eo magis circa axem convolvatur funis, adeoque ipsius diameter crescat, consequenter efficacia Potentiae minuatur.

5. Consultum igitur est, funes adhibere tenuissimos, modo gravitati ponderis sint proportionatae.

**SCHOLION.**

Probe hic observanda sunt, que monet WALLSIUS in schol. prop. 2. cap. 7. part 3. p. 615. Curandum esse, ut omnia, vi & ponderi intermedia, sint pro suis respective oneribus sustinendis satis firma: secus rumpi ipsam machinam.

**PROPOSITIO V. PROBLEMA I.**

*Data ratione radii axis ad radium rotæ, datoque pondere, invenire Potentiam, qua illud suspendit.*

B

RESO-

## RESOLUTIO.

Infer vi prop. 3. ut radius rotæ ad radium axis , sic pondus ad Potentiam , per regulam Trium inveniendam.

## COROLLARIUM.

Potentia per prop. pres. inventa si paululum augeatur , pondus movebit , per ax. 3.

## SCHOLION.

Quodsi radius axis ad radium rotæ fuerit ut unitas ad numerum integrum , unitati subserbitur numerus integer , fractio emergens indicabit , quotæ ponderis partis aequalis esse debeat Potentia.

## PROPOSITIO VI. PROBLEMA 2.

Data ratione radii axis ad radium rotæ , invenire pondus , quod data Potentia suspendit.

## RESOLUTIO.

Infer vi prop. 3. ut radius axis ad radium rotæ sic Potentia data ad pondus quæsumum , per regulam Trium inveniendum.

## COROLLARIUM.

Quodsi pondus per prop. pres. inventum vel tantillo minuatur , Potentia ipsum elevabit , per ax. 3.

## SCHOLION.

Si radius axis ad radium rotæ fuerit ut unitas ad numerum integrum , data Potentia multiplicatur per numerum istum integrum , sic prodit pondus , quod suspendere valet.

## PROPOSITIO VII. PROBLEMA 3.

Data Potentia una cum pondere invenire rationem radii axis ad radium rotæ , cui Potentia applicata pondus datum movere valet.

## RESOLUTIO.

(1) Divide pondus datum per Potentiam datam. (2) Quotum auge unitate. Dico , ut unitas ad quotum unitate auctum , sic esse debere radium axis ad radium rotæ Q. e. i.

## DEMONSTRATIO.

Cum pondere per Potentiam diviso unitas sit ad quotum ut Potentia ad pondus , per def. 15. Elem. VII. unitas radio axis , quotus radio

radio rotæ respondebit, cui Potentia applicata pondus de axe pendens suspendere valet, per prop. 3. Quodsi jam quotus unitate augetur, radius rotæ sit longior, adeoque Potentia suspendens minor erit data, per prop. 5. consequenter data pondus movebit, per ax. 3.  
Q. e. d.

### SCHOLION.

Quodsi radius rotæ in immensum excrefit, rotæ plures dentatae conjungendæ veniunt: ut in sequentibus docetur.

### PROPOSITIO VIII. THEOREMA 3.

Si pluribus rotis dentatis Potentia aliqua, cuius linea directionis est tangens peripherie ultime rotæ, suspendit pondus, habebit ad hoc rationem compositam omnium earum, quas habent radii axium ad radios rotarum. Vide Fig. 4.

Ενθεσις.

Sint datae tres rotæ MM, NN, OO, ita ut dentes infimæ MM occurant dentibus axis FD alterius rotæ NN, dentes vero rotæ mediæ NN occurant dentibus axis GI rotæ tertiae OO. Potentia applicetur in K, ita ut linea directionis KL sit tangens peripheriæ rotæ OO & suspendat pondus A. Dico, Potentiam habere ad pondus rationem compositam CB, CD, EF, EG, HI, HK.

### DEMONSTRATIO.

Sit pondus  $= d$ , habeat se CB ad CD ut  $a$  ad  $ea$ , EF ad EG ut  $b$  ad  $i$ , HI ad HK ut  $c$  ad  $oc$ . Quodsi jam concipiamus, Potentiam applicari in D, erit ea ad pondus ut  $\frac{d}{e}$  ad  $d$ , per prop. 5. adeoque DF axis rotæ mediæ NN tantopere gravatur, ac si pondus  $= \frac{d}{e}$  ex ipso penderet. Concipiamus itaque nobis porro, Potentiam quandam applicari in G, quæ suspendat pondus  $\frac{d}{e}$ , inventetur illa  $= \frac{d}{ei}$ , per prop. cit. ut adeo axis GI rotæ tertiae OO tantopere

topere gravetur, ac si a pondere  $= \frac{d}{ei}$  traheretur. Quod si jam per prop. cit. queratur Potentia in K, quæ pondus  $\frac{d}{ei}$  suspendat; reperietur  $= \frac{d}{eio}$ . Cum vero evidens sit, quod hæc Potentia  $\frac{d}{eio}$  quæ ope tertiaræ rotæ solius pondus  $\frac{d}{ei}$  suspendit, ope trium rotarum OO, NN, MM suspendat pondus  $d$ ; erit ea ad hoc ut  $\frac{d}{eio}$  ad  $d$ , b.e. ut  $d$  ad  $eio$ , per 17. VII. Q. e. d.

#### COROLLARIA.

1. Si pondus  $= d$ , Potentia  $= \frac{d}{eio}$ ; si Potentia  $= d$ , Pondus  $= eio$ .

2. Cum radii sint inter se uti peripheriæ, Potentia & pondus erunt in ratione composita peripheriarum axium & rotarum.

#### SCHOLION.

*Loco ultime rotæ præxi accommodatus est manubrium A C B D E, ubi A. radium axis BD rotæ radium exhibet. Vide Fig. 5.*

#### PROPOSITIO IX. PROBLEMA 4.

*Dato rotarum numero cum ratione radii axis ad radium rotæ uniusenjusque, invenire Potentiam, quæ peripheria ultima rotæ applicata pondus datum suspendit.*

#### RESOLUTIO.

(1) Duc in se nomina omnium rationum datarum.

(2) Perfectum divide pondus datum. Dico, quotum esse Potentiam quæsitam. Q. e. i.

#### DEMONSTRATIO.

Pondere enim per factum ex nominibus datarum rationum in se invicem diviso, quotus se habet ad istud ut 1 ad factum ex nominibus datarum rationum in se invicem, per def. 17. Elem. VII. consequenter rationem compositam datarum, per prop. 1. Äquivalet itaque

que Potentiae, quæ peripherie ultimæ rotæ applicata pondus datum suspendit, *per prop. preced.*, Q. e. d.

#### SCHOLION.

*Resolutio hujus problematis actu continetur in coroll. 4. prop. prec.*  
*vi cuius potentia est  $\frac{d}{eio}$ , posita pondere d.*

#### PROPOSITIO X. PROBLEMA 5.

*Dato rotarum numero cum ratione radii axis ad radium rotæ uniuscujusque, invenire pondus, quod data Potentia peripherie rotæ ultimæ applicata suspendit*

#### RESOLUTIO.

(1). *Duc In se nomina omnium rationum datarum. (2) Productum duc denuo in Potentiam datam : Quod prodibit, erit pondus quæsumum. q. e. i.*

#### DEMONSTRATIO.

Cum, ductis in se nominibus rationum datum, unitas ad productum habeat rationem compositam datarum, *per prop. 1. hoc autem producto per Potentiam multiplicato, unitas sit ad productum prius ut Potentia ad productum novum, per def. 17. Elem. VII. consequitur*: hinc, productum novum esse pondus, *per prop. 8. q. e. d.*

#### SCHOLION.

*Hujus quoque problematis resolutio actu continetur in coroll. 1. prop. 8. vi cuius pondus est eiud, posita potentia d.*

#### PROPOSITIO XI. PROBLEMA 6.

*Data Potentia datoque pondere, invenire numerum rotarum & in unaquaque rationem radii axis ad radium rotæ, ita ut Potentia peripherie rotæ ultime applicata pondus datum suspendat.*

#### RESOLUTO.

(1) *Pondus per Potentiam divide. (2) Quotum disperge in*

tot factores, in quo<sup>t</sup> commode eundem dispergere licet. Dico, numerum factorum indicare numerum rotarum, radiosque axium se habere ad radios rotarum ut unitatem ad factores singulos. Q. e. i.

#### DEMONSTRATIO.

*Vi prop. 8. demonstrandum*, Potentiam ad pondus habere rationem compositam radiorum axium ad radios rotarum. Jam vero pondere per Potentiam diviso, quotus est nomen rationis, quam habet Potentia ad pondus. Quod si itaque is dispergitur in suos factores; necesse est, ut Potentia ad Pondus sit in ratione composita earum, quae per unitatem ad singulos factores constituuntur. Quamobrem assumta unitate pro radiis axium, factoribus autem assuntis pro radiis rotarum; Potentia ad pondus est in ratione composita radiorum axium ad radios rotarum. Q. e. d.

#### SCHOLION.

Quoniam hic in excessu nunquam peccatur, consultum est, ubi Potentia non exacte dividit pondus, quotum unitate majorem assumere. Similiter unam, immo aliquot unitates addere licet quoto, si in factores dispergi vix commode potest.

#### PROPOSITIO XII. THEOREMA 4.

Numerus dentium axis est ad numerum dentium rotæ, cui occurrit, ut peripheria axis ad peripheriam rotæ.

#### DEMONSTRATIO.

Cum enim dentes axis occurrant dentibus rotæ, evidens est istos his magnitudine æquales esse debere. Toties itaque peripheria axis in peripheria rotæ contineri debet, quoties numerus dentium axis in numero dentium rotæ continetur. Sunt igitur dentes in ratione peripheriarum. Q. e. d.

#### PROPOSITIO XIII. THEOREMA 5.

*Si axis dentatus occurrit dentibus alicujus rotæ, revolutiones erunt in ratione dentium reciproca.* Vid. Fig. 4.

#### DEMONSTRATIO.

Illud per se patet, omnes dentes rotæ MM per dentes axis rotari debere, antequam ea semel convertitur. Axis igitur dentatus toties

toties convolvatur necesse est, quoties dentes ipsius in dentibus rotæ MM continentur, antequam omnes rotæ dentes per dentes axis rotantur. Quodsi jam dentes rotæ dividantur per dentes axis, quotus indicabit, quoties rotæ cum axe dentato convertatur, dum rotæ tardius mota circuitum absolvit. Quoniam vero unitas ad hunc quotum, uti dentes axis ad dentes rotæ, per def. 17. ELEM. VII. revolutiones rotarum sunt inter se in ratione dentium axis atque rotæ reciproca. Q. e. d.

#### COROLLARIUM.

Cum dentes habeant rationem peripheriarum, per prop. prec. revolutiones rotarum sunt quoque in ratione peripheriarum axis atque rotæ reciproca, consequenter & radiorum.

#### PROPOSITIO XIV. THEOREMA 6.

*Si plures conjunctæ fuerint rotæ dentatae, revolutiones omnium velocissime motæ habebunt ad revolutiones omnium tardissime motæ rationem compositam dentium in axibus ad dentes in peripheriis rotarum istis occurrentium. Vide Fig. eandem.*

#### DEMONSTRATIO.

Sint tres rotæ MM, NN, OO, dentes axis FD ad dentes rotæ MM b. eb, dentes axis GH ad dentes rotæ NN c. ic. Jam revolutiones rotæ MM sunt ad revolutiones rotæ NN ut b. eb, per prop. prec. & revolutiones rotæ OO ut eb. eib, per prop. cit. Erunt itaque revolutiones rotæ MM ad revolutiones rotæ OO ut b. eib, adeoque in ratione composita dentium in axibus ad dentes in peripheriis rotarum istis occurrentium, per prop. i. Q. e. d.

#### COROLLARIA.

1. Quoniam numeri dentium sunt in ratione peripheriarum per prop. 12. revolutiones rotæ MM erunt ad revolutiones rotæ OO in ratione composita peripheriarum MDM. PFQ & NGN. RGS.

2. Et quia peripheriæ sunt ut radii, erunt quoque revolutiones rotæ MM ad revolutiones rotæ OO in ratione composita CD. DE, EG. GH.

#### SCHOLION.

*Quod valet de tribus rotis, idem quoque valere de reliquis omnibus, quocunque numero fuerint, haud diffi alter patet. Nam ex ipsis terminis*

terminis manifestum est, quantitatem revolutionum rote ultime haberi, si prime ducantur in singula nomina rationum, quas habent dentes axium ad dentes rotarum.

#### PROPOSITIO XV. PROBLEMA 7.

Dato numero dentium in axibus & rotis istis occurrentibus, determinare, quot revolutiones rota omnium velocissime mota absolvat, antequam tardissime mota semel circumvit.

#### RESOLUTIO.

(1) Per dentes axis uniuscujusque divide dentes rotæ isti occurrentis. (2) Quotos omnes duc in se: dico, factum indicare, quot revolutiones rota velocissime mota absolvit, dum tardissime mota semel circumvit. Q. e. i.

#### DEMONSTRATIO.

Dentibus enim rotarum per dentes axium sigillatim divisi, quoti sunt nomina rationum, quas habent dentes axium ad dentes rotarum. Quodsi vero rationum nomina in se duxeris, unitas habebit ad factum rationem compositam dictarum, per prop. 1. Cum igitur revolutiones rotæ tardissime motæ ad revolutiones rotæ velocissime motæ earundem rationum compositam habeant, per prop. 14. evidens est, revolutionem unam rotæ tardius motæ esse ad revolutiones velocissime motæ interea absolutas, ut unitatem ad factum memoratum. Q. e. d.

#### SCHOLION.

Immo poterat resolutio hujus problematis instar corallarii subsumi ad prop. 14. quoniam in demonstratione expressæ habetur, revolutiones rotæ tardissime motæ esse ad revolutiones velocissime motæ ut b ad cib, b, e. ut 1 ad ei, per 17. ELEM. VII. Q. e. d.

#### PROPOSITIO XVI. PROBLEMA 8.

Datis revolutionibus rote velocissime actæ, interea absolutis, dum tardissime mota semel in orbem reddit; invenire dentum in axibus & peripheriis rotarum numerum.

#### RESOLUTIO.

(1) Disperge numerum datarum revolutionum in suos factores.  
(2) Pro arbitrio assumptum in axibus dentium numerum duc sigillatim

tim in singulos factores. Dico, facta exhibere numerum dentium pro singulis peripheriis rotarum. Q. e. i.

### DEMONSTRATIO.

Si enim facta ex factoribus, in quos dispersus est numerus datarum revolutionum, in numerum dentium axibus competentium pro arbitrio assumptum habeantur pro numero dentium in peripheriis rotarum; dicti factores sunt nomina rationum inter dentes axis & dentes rotarum intercedentium. Unde porro liquet, revolutionem unam rotæ tardissime motæ esse ad revolutiones plures velocissime motæ interea absolutas in ratione composita earum, quas habent dentes axis ad dentes rotarum. Numerus igitur dentium pro rotis rite determinatus, per prop. 14. Q. e. d.

### SCHOLIA.

1. Quodsi numerus dentium pro axibus detur, is sigillatim ducitur in singulos factores, in quos numerus datarum revolutionum rotæ velocissime circumactæ dispersus fuit, ut obincatur numerus dentium pro singulis rotis.

2. Factores, in quos numerus datarum revolutionum rotæ velocissime circumactæ dispersus fuit, indicant, quoties axis convertatur, dum rotæ ipsi occurrens semel in orbem redit. Quamobrem magis adhuc liquet, quod multiplicari debeant per numerum dentium axibus competentium, vel datum, vel pro arbitrio assumptum, ut obincatur numerus dentium pro rotis, per prop. 13.

3. Dispergitur autem numerus quicunque datus in suos factores, si per mensuram aliquam dividitur & quotus denivo per mensuram sui: Quotus enim secundus cum duobus divisoribus constituant factores quotios. Notandum tamen, quod divisor non facile denarium excedere debet.

4. Patet quoque ex propositione presenti, quaratione motus in gyrum retardari queat.

### PROPOSITIO XVII. THEOREMA 7.

Si rotæ aliqua dentata Potentia movet pondus, spatiū ponderis habet ad spatiū Potentie rationem paulo minorēm, quam Potentia ad pondus.

C

DE

## DEMONSTRATIO.

Cum enim, axe semel circumvoluto, spatum ponderis æquatur peripheria axis, per coroll. ax. 4. spatum vero Potentiae peripheriae rotæ per ax. 5. erunt hæc spatia inter se in ratione reciproca Potentiae suspendentis atque ponderis, per coroll. i. prop. 3. Jam vero Potentia suspendenti major est movens, per ax. 3. habet itaque spatum ponderis ad spatum Potentiae rationem paulo minorem, quam Potentia ad pondus, per 8. Elem. V. Q. e. d.

## PROPOSITIO XVIII. THEOREMA 8.

*Si pluribus rotis dentatis Potentia movet pondus, habet quoque spatum ponderis ad spatum Potentiae rationem paulo minorem, quam Potentia ad Pondus. Vide Fig. 4.*

## DEMONSTRATIO.

Si Potentia applicatur rotæ MM in D, spatum ponderis est ad spatum Potentiae ut CB ad CD, per prop. 17. & 3. Quodsi concepiamus, Potentiam applicari rotæ NN in G, pondus peripheriae rotulae PFQ, erunt spatia Ponderis & Potentiae ut DE ad EG, per prop. cit. Sit autem CB ad CD ut  $a$  ad  $ea$ , & DE ad EG ut  $b$  ad  $ib$ . Applicetur jam Potentia rotæ NN & pondus pendeat ex axe CB; tunc pro spatio, quod percurrit rotula PFQ, dum pondus promovetur per spatum peripheriae axis CB æquale assumi potest peripheria MDM =  $ea$ , cum peripheriae sint in ratione radiorum. Rotula vero PFQ dum absolvit spatum  $ea$ , Potentia percurrit spatum, quod æquatur peripheria NGN toties sibi additæ, quoties peripheria PFQ continetur in peripheria MDM, ut adeo sit quemadmodum peripheria PFQ =  $b$  ad spatum rotulæ cognominis =  $ea$ , sic peripheria NGN =  $ib$  ad spatum Potentiae, quod reperietur =  $eia$ . Cum itaque peripheria CB sit =  $a$ , per hypothes. quæ spatio ponderis æquatur, per coroll. ax. 4. erit spatum ponderis ad spatum Potentiae,  $a$  eiæ, adeoque in ratione composita CB ad CD & DE ad EG, per prop. 1. Jam vero in eadem est quoque suspendens Potentia ad Pondus, per prop. 14. Ergo quoniam suspendenti major est movens, per ax. 3. spatum ponderis ad spatum Potentiae minorem habebit rationem, quam Potentia ad pondus, per 8. Elem. V. Q. e. d.

CO-

## COROLLARIUM.

Quo Potentia est major, eo motus ponderis velocior: quo ita minor, eo hic tardior.

## SCHOLION.

Plurimi dicunt, spatia ponderis atque Potentie esse in ratione reciproca Ponderis atque Potentie; sed quod à vero aberrent, evidenter satis per demonstrationes duarum precedentium propositionum patet. Error autem inde, quod cum movente Potentia confundant suspendentem. Sunt enim per demonstrata spatia Ponderis atque Potentie motentis in ratione reciproca Potentie suspendentis & Ponderis. Quodsi dicas, Autores istos, qui afferunt, spatia ponderis & Potentie esse in ratione reciproca Potentie atque ponderis, verba sua accipere de Potentia suspendenti; runc ab errore quidem eos in ratiocinando, minime autem in dicendo aut scribendo liberas.

## PROPOSITIO XIX. PROBLEMA 9.

Data peripheria axis trahentis pondus & ratione Potentiae suspendentis ad Pondus, impetrare spatium, quod percurrit Potentia, dum pondus emittitur Spatium peripheriae axis date & equale.

## RESOLUTIO.

Infer: Ut datum pondus ad Potentiam datam, sic peripheria data ad spatium Potentiae quasitum, per regulam Trium inventum.

## DEMONSTRATIO.

Cum enim axe semel convoluto spatium ponderis aequetur peripheriae axis, per coroll. ax. 4. idem vero habeat ad spatium Potentiae motentis rationem reciprocam Potentiae suspendentis ad pondus, per schol. prop: 18. liquet inde, spatium, quod Potentia decurrit, dum axis pondus trahens semel in orbem redit, esse quartum proportionale quantum ad pondus, Potentiam suspendentem & axis pondus trahentis peripheriam. Q. e. d.

## SCHOLION.

Quodsi Potentia movens daretur, ea foret minuenda, ut habere tur suspendens, per ax. 3.

## PROPOSITIO XX. PROBLEMA 10.

Data ratione radiorum rotarum ad radios axium istis  
occurentium, invenire revolutiones rotæ velocissime motæ  
interea absolvendas, dum rota tardissime mota circuitus da-  
tos absolvit.

## RESOLUTIO & DEMONSTRATIO.

(1) Nomina rationum duc in se. (2) Per factum multiplica revolutiones rotæ tardissime motæ. Quod producitur, erit numerus revolutionum rotæ velocissime motæ, per coroll. 2. prop. 14.  
Q. e. i. & d.

## COROLLARIUM.

Cum radii sint inter se ut peripheriæ, peripheriæ autem ut dentes,  
per prop. 12. idem problema ex datis dentium numeris solvere licebit.

## PROPOSITIO XXI. THEOREMA 9.

Spatia ponderis atque Potentia sunt in ratione composita  
revolutionum rotæ tardissime motæ ad revolutiones rotæ ve-  
locissime motæ & peripheriæ axis istius ad peripheriam  
hujus.

## DEMONSTRATIO.

Sint revolutiones rotæ tardissime motæ ad revolutiones velo-  
cissime motæ ut  $c$  ad  $ic$ ; peripheria axis istius ad peripheriam hujus  
ut  $g$  ad  $yg$ . Erunt itaque spatia ut  $gc$  ad  $yigc$ , h. e. ut  $i$  ad  $iy$ , per  
17. Elem. VII. adeoque in ratione composita  $c. ic, g.yg$ , per prop. 1.  
Q. e. d.

## COROLLARIUM.

Cum spatia ponderis atque Potentia moventis habeant ra-  
tionem reciprocam Potentia suspendentis atque ponderis per schol.  
prop. 18. Potentia suspendens erit quoque ad pondus in ratione compo-  
sita revolutionum rotæ tardissime motæ ad revolutiones velocissime  
motæ & peripheriæ axis istius ad peripheriam hujus.

PRO-

## PROPOSITIO XXII. PROBLEMA II.

Data peripheria axis rotæ tardissime motæ cum peripheria rotæ velocissime motæ, & ratione revolutionum rotæ istius ad revolutiones hujus, invenire spatium, quod Potentia decurrit, donec pondus emetatur spatium peripherie axis, cui alligatur, æquale.

### RESOLUTIO.

(1) Divide peripheriam rotæ per peripheriam axis. (2) Quotum duc in nomen datarum revolutionum. (3) Per factum multiplica peripheriam axis. Dico, productum esse spatium Potentiae.  
Q. e. d.

### DEMONSTRATIO.

Demonstrandum est, peripheriam axis habere ad hoc productum rationem compositam sui ipsius ad peripheriam rotæ datam & revolutionum datarum, vi prop. 21. Quoniam itaque peripheria rotæ per peripheriam axis divisa, quotus est nomen rationis inter dictas peripherias intercedentis; hic in nomen rationis datarum revolutionum duxit nomen rationis compositæ. Jam vero spatium ponderis æquatur peripherie axis data, per hypoth. Ergo si eadem per nomen rationis compositæ modo dictum multiplicetur, productum erit ad spatium ponderis in ratione composita revolutionum & peripheriarum datarum, consequenter spatium Potentiae. Q. e. d.

### SCHOLION.

Si spatium ponderis aliquoties peripherie axis, cui alligatur, æquatur, easoties sibi additur, & summa multiplicatur per nomen rationis compositæ juxta n. i. atque 2. resolut. inventum.

## PROPOSITIO XXIII. PROBLEMA 12.

Datis iisdem, que in problemate precedenti data sunt, ac præterea Pondere, invenire Potentiam moventem.

### RESOLUTIO.

(1) Divide peripheriam rotæ per peripheriam axis. (2) Quotum  
C 3

tum duc in nomen datarum revolutionum, ut in problemate præcedenti. (3) Per factum divide Pondus. (4) Quotum novum unitate vel aliquot unitatibus adauge. Sic emerget Potentia. Q. e. i.

### DEMONSTRATIO.

Peripheria rotæ per peripheriam axis divisa, quotus est nomen rationis inter utramque intercedentis. Multiplicatus itaque per nomen rationis datarum revolutionum in nomen rationis compositæ evadit. Quodsi jam per hoc dividatur pondus, erit quotus ad illud, ut unitas ad nomen rationis compositæ per def. 14. ELEM. VII. adeoque in ratione composita peripheriarum & revolutionum datarum, consequenter Potentia suspendens, per coroll. prop. 21. Idem igitur auctus unitate vel unitatibus aliquot sistet Potentiam moventem, per ax. 3. Q. e. d.

### SCHOLION.

Facile patet, quod, si loco Ponderis, detur Potentia, Pondus habetur multiplicando Potentiam per nomen rationis compositæ juxta n. 1. atque 2. resolut. inventum, & productum unitate vel unitatibus aliquot minuendo.

### PROPOSITIO XXIV. PROBLEMA 13.

Datis revolutionibus rotæ velocissime motæ interea absolvendis, dum tardissime mota semel in orbem reddit, datoque spatio, per quod pondus elevari debet, invenire tempus elevationi quæstæ insumentum.

### RESOLUTIO.

(1) Infer: Ut peripheria axis rotæ velocissime motæ ad spatium ponderis datum, sic revolutiones rotæ velocissime motæ date ad quartum proportionalem numerum, per regulam Trium inventendum. (2) Per experientiam determina numerum revolutionum intra unius horæ spatium absolvendarum, & (3) per hunc divide quartum proportionalem paulo ante inventum. Dico, quotum esse tempus elevationi ponderis quæstæ insumentum. Q. e. i.

### DEMONSTRATIO.

Cum una revolutio rotæ tardissime motæ habeat ad revoluti-

lutiones ejusdem interea absolvendas, dum pondus datum spatiū percurrit, ut peripheria axis ad spatiū ponderis datum; sīt vero porro ut una revolutio rotæ tardissime motæ ad revolutiones ejusdictas, sic revolutiones rotæ velocissime motæ interea absolvæ, dum tardissime motæ semel in orbem rediit, ad revolutiones ejusdem interea peractas, dum pondus emensum est Spatiū datum; hoc ipso evidens existit, quartum proportionalem numerum, per n. i. resolut. inventum, respondere revolutionibus ultimis. Quodsi itaque is per numerum revolutionum intra horam absolvendarum divisus fuerit, quotus non potest non indicare tempus elevationi ponderis quæsita impendendum. Q.e.d.

### SCHOLIA.

1. Pro magnitudine peripherie rotæ omnium velocissime motæ plures paucioresve intra horam sunt revolutiones. Stewinus (notante Sturmi in Mech. scđ. 2. cap. 5. quæst. 6.) hora una 4000, ipse Sturmius 10000. fieri posse autumat.

2. Ceterum per prop. 9. experiri licet, compositionem rotarum dentatarum in immensum augere vires moventis, ita ut bene observet Dechales in Mundo Mathematico, formice vires sufficere ad totam mollem hujus Universi a centro Telluris usque ad Fixas extensam loco mouendam, utut singula partes arena gravitatem habere supponantur, si machina ex 30 rotis dentatis composite, quarum radii habeant ad radios axium rationem decuplam, applicentur.

3. Interim tamen id quoque tentanti ad oculum patebit, ubi vi- rium in infinitum augetur efficacia, temporis quoque quantitatem in infinitum accrescere. Ut adeo Mechanica demonstret, impossibile esse, ut creatura ulla ex parte sit omnipotens.

4. Cum omnem motum metiatur aliqua linea, ut superius motum Potentie peripheria rotæ; motum ponderis peripheria axis, cogitationum vero nostrarum nulla possit fangi linea; ea non sunt tenuissime cuju:dam materia motus, consequenter materia nequit donari vi cogitandi.

5. Quoniam leges mechanicae habentur pro veritate immutabili, quia eas concipimus; quicquid possumus concipere, illud erit veritatis immutabilis

tabilis. Sunt autem dieræ leges, quemadmodum veritates omnes reliquæ, tante necessitatis, ut nec a Deo immutari queant. Quoniam vero non minus Dei ipsius, quam veritatum cuiuscunque generis natura est immutabilis; distincte quoque concipimus, eas semper in Deo fuisse. Ut adco erret Poiret Oeon. divin. Tom. 1, cap. 4. pag. 73. & seqq. statuens, ideas rerum ex arbitrario Dei decreto enatas esse occasione generatio-  
nis eternæ Filii sui.

6. Epilogi tandem loco subiectore libet curiosam rationem indi-  
gandi centrum gravitatis in acu. Cudi scilicet curetur virgula chalybea  
cylindracea, cujus alterum extremum in cuspidem definat, candensque re-  
frigatur in aqua; mox in acu hinc inde promoveatur, donec eam at-  
trahat & suspendat. Ex quo puncto enim ipsam suspendit, illud est cen-  
trum gravitatis, vi def. 2. Vide Fig. 6.

7. Causam phœnomeni habet CL. Rohault in Tract. Phys. part. 3. c.  
8. §. 37. pag. m. 383. Particula sc. friatae inflectunt flexiles chalybis  
candentis particulas suoque transitui commodos efficiunt poros, qui,  
chalybe subito refrigerata, permanent, ut hinc minum videri non de-  
beat, cur vim Magneticam acquirat chalybs, cum poros Magneticos  
acquisiverit, adeoque particulis friatis æque ac Magnes  
transitum concedat.



Pe 876

ULB Halle  
002 103 095

3



sb

b77







43.  
5

DISSE<sup>T</sup>RAT<sup>O</sup> PRIOR  
*De*  
**ROTIS DENTATIS,**  
*Quam*  
**PRO LOCO**  
*in Facultate Philosophica*,  
*obtinendo,*  
*gratioso ipsius Indultu,*  
*d. XX. Octob. Anni M. D C C III.*  
*horis ante- & pomeridianis*  
*publice ventilandam proponit*  
**M. CHRISTIANUS WOLFIUS,**  
*Vratislaviensis.*

---

L I P S I A E,  
Literis CHRISTIANI GOEZI.